



Broj: 09-20-11-2-2303-II
Dana: 21.11.2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku javne nabavke
službenih motornih vozila za LOT 5 (Nabavka pmv niže srednje klase minimalno 60 KW)

1. Dodjeljuje se Ugovor ponuđaču Guma M doo Mostar za javnu nabavku službenih motornih vozila za LOT 5 – nabavka putničkog motornog vozila srednje klase minimalno 60 KW, prema ponudi broj: 370-11/22AK od 09.11.2022. godine, sa cijenom od 25.630,00 KM bez PDV-a,
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-2303 od 21.09.2022 godine.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj:29/14).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije provela je otvoreni postupak javne nabavke službenih motornih vozila koji je pokrenut Odlukom o pokretanju postupka javne nabavke broj: 09-20-11-2-2303 od 21.09.2022.godine, prema Obavještenju o nabavci broj: 1412-1-1-225-3-119/22 objavljeno u "Službenom glasniku BiH" broj: 66/22, dana 30.09.2022. godine.

Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022.godine utvrdila je da su do propisanog krajnjeg roka za dostavljanje ponuda za LOT 5 predmetne

javne nabavke pristigle ponude ponuđača LADA AUTO doo Banja Luka (broj ponude 1167/22 od 07.11.2022. godine sa ponuđenom cijenom u iznosu od 25.640,00 KM bez PDV-a) i GUMA M doo Mostar (broj ponude 370-11/22AK od 09.11.2022. godine sa ponuđenom cijenom u iznosu od 25.630,00 KM bez PDV-a) što je konstatovano Zapisnikom komisije o pregledu i ocjeni ponuda od 15. i 21.11.2022.godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Nakon pregleda i ocijene ponuda, utvrđeno je da ponuda ponuđača „LADA AUTO“ DOO Banja Luka broj 1167/22 od 07.11.2022. godine nije u potpunosti sačinjena u skladu sa TD odnosno sa tačkom 14 stav m) TD prema kojoj ponuda ponuđača mora sadržavati: „katolog/brošura sa slikama i detaljnim opisom ponuđene robe iz kojih će se jednoznačno moći utvrditi da ponuđena roba u potpunosti ispunjava zahtjeve propisane TD“, a što nije slučaj sa ovom ponudom gdje je ponuđač umjesto kataloga/brošure sa slikama dostavio samo jednu fotografiju desnog poluprofila ponuđenog vozila te potom navodeći tehničke karakteristike ponuđenog vozila. Iz navedenog Komisija nije mogla jednoznačno utvrditi da ponuđena roba-vozilo u potpunosti ispunjava zahtjeve propisane TD te je zbog navedenog ponuđač „LADA AUTO“ DOO Banja Luka isključen iz dalje kvalifikacije.

Komisija je vodeći se uslovima propisanim TD i prema kriteriju najniža ukupna cijena tehnički zadovoljavajuće ponude konstatovala da je ponuda ponuđača „GUMA M“ DOO Mostar sa ponuđenim iznosom od 25.630,00 KM bez PDV-a prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru ponuđača za navedeno pravno lice što je konstatovano u Zapisniku o pregledu i ocjeni ponuda od 15. i 21.11.2022.godine.

Razmatrajući prijedlog Komisije, zamjenik direktora donosi Odluku kao u dispozitivu.

PRAVNA POUKA:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis